



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Ioannis Shelleyi conuersio & mors. ibid.

urn:nbn:de:hbz:466:1-38320

reticis ad sinum Ecclesiæ aggregarentur.

Ad Gerardimontes

1623.

alij duo profecti prouinciam habuere haud paulo grauiorem, quoniam erant interuersis stipendijs exulcerati militum animi placandi, & languentiũ penuriã victus corpora recreanda, & refugientibus Parochis, Sacramenta in locis dissiunctissimis administranda: Collecti tamen sunt in Christi gregem ex deuiantibus viginti, & sperari potuisset fructus isthic & Teneramundæ vberior, nisi operarios iplos penè omnes morbi lues occupasset; vnum etiam sustulisset, *Edwardum Dauisonum*, in Anglicana missione sexdecim annos verlatum, atque propter opinionem doctrinæ, concionandi facultatem, morum comitatem illustribus viris peracceptum; qui ad carcerum & exilij perpeffionem labores hos adiungens, & ingrauescente ægritudine, dum Louanium tenderet, in Bruxellenfũ Collegio magna charitate habitus, ad meritorum præmia demigravit.

Edwardus
Dauisonus
morbo cor
reptus mo-
ratur.

Sustulit etiam hic annus ex Leodiensĩ Tyronum domo *Ioannem Shellæum*. Hic à parentibus puer transmissus in Belgium, & in Duacena Academia Philosophiæ Magisterio insignitus honestum deinde Matrimonium amplexus est: liberos susceptos tam pie educauerat, vt filij omnes Sacerdotalem, duo etiam Religiosam in nostra Societate vitam susceperint, filiæ duæ in virginum cænobia sint cooptatæ. Iple tamen læuente in Catholicos Elizabethã, post non modicam fortunarum iacturam veritus nè cuncta pessum irent, concessit aliquantulum tempori, atque hæreticorum conciliabulis interesse sustinuit: Assiduus hac de causã conscientiæ stimulis toto triennio agitatus, cum diuturnã inediã, vigilijs, & multiplici corporis maceratione mentis tranquillitatem redimere frustra niteretur, cepit ad Sanctæ sinum Ecclesiæ, vnde lapsus, anxie respicere, moxque præsentius ecœlo numen expertus est. In prato amænissimo inambulanti, & multa secum reputanti sollicitè, oboritur repente sulphureus fetor teterimus, hominemque ad rei nouitatem attonitum circumfundit: circumspicit omnia, neque vnde ea factitas illo loci existeret agnoscere potuit. Estque ei diuinitus, vt inter prætabatur, iniecta cogitatio factorem illum prælagire apud Inferos tetriorem nisi hæreticorum cæribus nuncium mittens Catholicæ se reconciliaret. Itaque distracto patrimonio migravit in Gallias, egitque Christiano homine dignam vitam, donec coniuge viduus, in nostram Societatem (quo duos præmiserat filios) optauit adscribi: Poterat Sacerdotio (& suadebant aliqui) initiari; verum id ille consilij nè ad aures quidem nisi cum rubore admisit, indignum se tanto honore dictitans, & summi beneficij loco habiturum si in abiectis rei domesticæ Ministerijs deseruire permitteretur Societatis sacerdotibus; & faciebat promptissimè, non erga illos solũ, sed erga omnes obsequētissimus; querebaturque assiduè non tam abieciſſe se mundum, quàm satiæ quædam atque fastidio reliquisse; felices illos prædicans qui à prima ætate animas illibatas Deo consecrarunt, se vix in extrema senectute animam peccatis, corpus onustum annis ad Religionem attulisse; quare si pro meritis tractaretur

Et Ioannes
Shellæus
Leodij.

1623.

oportere se infra omnes abijci; & nullo loco reputati: Sed alia est de humilibus Dei cogitatio.

Vice-Prouincia in Prouinciâ crecta.

V. I.

Tertium iam annum Societas Anglicana sub Vice-Prouinciâ nomine militarat, cum *Murius* Generalis eandem in Prouinciâ crexit, his ad *Blondum* Româ datis literis.

Cum Dei benignitate numerus subditorum ad Vice-Prouinciâ Anglicanam pertinentium ita auctus sit, & inter hos tam multi sint Patres Professi, qui uti virtute & doctrina alijs non concedunt, ita etiam numero plures Prouinciâs exequant, iamque tandem præter domicilia in Belgio stabilita, alia etiam in ipso Angliæ regno sint instituta, (spesque sit alia quoque deinceps instituenda, visum tandem fuit, expensis rationibus nomine Congregationis nuper isthic factæ mihi propositis, satisfacere iusto desiderio optimorum Patrum quorum in tantis periculis tantum est in Dei gloria, & proximorum salute quærenda studium, & portionem illam Societatis, quæ huc vsque Vice-Prouinciâ nomine cenla est iustam Prouinciâ constituit, ei que V. R. Præpositum Prouinciâlem præficere, uti facio literis Patentibus, quas vnâ cum hisce eidem tradendas spero. Diuina Prouidentia faciat ut cum hoc nominis incremento in omnibus studium propriæ salutis & proximorum ita augetur, ut fructus quos huculque Socij copiosissimos in Vice-Prouinciâ collegerunt, longe adhuc copiosiores in posterum colligant. Ad quod cum plurimum R. V. caritatem & prudentiam conferre posse sciam precor benignissimum *Iesum*, ut studia conatusque eius omnes, vberioris gratiæ suæ præsidij prosequi dignetur: &c. Romæ vigesimo primo Ianuarij 1623.

Et certe tum nouo huius splendore nominis excitatis Patribus, tum per Hispanici coniugij continuatam tractationem metu persecutionis factæ leuiori, & Sociorum numerus ad quadraginta octo supra ducentos excreuerat, & ereptorum ex hæresi ad duo millia sexcentos: quin & nostrorum exercitia fuere liberiora: nam in domo Probationis Sancti *Ignatij* (quæ Londini fuerat anno altero proposita) Tyrones Sacerdotes septendecim Societatis rudimentis instituebantur, & in Collegio Beati *Aloysij* sæpius conuenire licuit, & omnia ad Collegiorum normam exigere, tempora, cubilia, mensam, & dominicis festisque diebus magno vicinorum concursu perorare. In reliqua verò Insula non segniter nostrorum ceteri in opus incubere, & fructus tulere quos diuina miseratio conatibus semper anterior, vberes subministrat.

Tyrones 17. in domo S. Ignatij Londini.

Fructus caritatis in pauperes.

In pauperes quidam naturâ atque in miseros benignus, omnem præterea humanitatem videbatur exuisse vitijs immersus, quem cum multi ab annis sat multis retrahere conati fuissent, id is opere ipso ostendebat, quod ore quandoque proferre non verebatur, se neque Deum credere, neque metuere dæmonem: Spes igitur hoc monstrum hominis ad mentem reuocandi quæ esse potuit? qui cum maximè virgeretur ratione, magna animi vociisque cōtentione clamabat, neque ieiunare, neque orare, neque omnino dolere se posse.